


L'ESCOLO DEIS FELIBRES

DÓU VAR.

SA FOUNDACIEN - SOUN REGLAMEN



DRAGUIGNAN,
EMPRIMARIÈ DE C. ET A. LATIL,
ESPLANADO DE LA VILLO, 4.
1880.

L'ESCOLO DEIS FELIBRES DOU VAR.

Ou coumençamen dóu mes d'abriou 1880, quàuqueis prouvençaus, proun couneissus pop prendre, quand si déu, leis parts de soun despartamen, de sa lengo e de soun istòri, recuberoun aquesto cunvidacién:

Moussu,

Quand aqué legi lis estatut dóu felibrige, que recouneisson à tóuti li dialèite de nosto lengo lou dre de viéure e de teni sa plaço au fougau de la patrio miejournalo, neste paure ami, Félix Peise, diguè dins lou Franc Prouvençau de l'an 1878: *perque cadun es libre* de parlar et de cantar coumo lou bouan Dieu l'a apprès, vesi pas “ *perqué lou despartament dau Var, à l'eisemple deis autres, poudriè pas fourmar uno escolo que, tout en gardant soun independenci, dounarie la man à la grando filialho latino....* ”

Seriou ben huroux se, dins l'Armana de l'an que vent, poudiou dire: l'escolo dau Var est fourmado!!!

Entremen que parlavo ansin, neste ami se presentavo au félibrige, e fuguè reçaupu felibre mantenèire dins la sesiho de la mantenènço, tengudo à Marsiho lou 3 de mars 1878. Pamens d'afaire que poudien pas si remanda, de malhur de filialho et d'autri causo l'empachèron de metre la man à soun prefa; mai se proupousavo de reprendre l'obro pèr que fau pas que digoun *que lou Var es en arrièro et que fougno per pas dounar la man à la grando filialho Prouvençalo* (Lou Franc Prouvençau de l'an 1879)

Ailas! Aqueù vot patriouti neste ami noun a poustu lou vèire coumpli de soun vivènt; mais sian quauquis un que, resta fidèu à sa memòri, avèn contunia la publicacioun dóu Franc Prouvençau, aquelo obro d'elei ounte escampavo à pleno man li belugo de soun esprit, e que nous sian proumés de persegui soun darniè proujet: la creacioun de l'escolo dóu Var!

Adounc, Moussu, couneissènt vosto devoucioun pertout ce que pretoco nosto Prouvènço, soun istòri coumo sa lengo, ai l'ounour de vous cunvida à l'assemblado preparadisso que se tendra à Draguignan, lou 17 dóu mes d'abrieu 1880, à uno ouro d'après-miejour, dins la salo de la *Société d'études scientifiques et archéologiques de Draguignan*, carriero de l'Evescat, n° 9, au plan-pèd, per fin de constituï l'escolo dóu Var, discuta e adouta soun reglamèn, nouma soun burèu, etc.

Es bon de vous dire que lou félibrige foro-bandis de si réunioun li discussioun poulitico o religioso, e que l'escolo dóu Var noun s'ocupara que de la lengo e de l'istòri de Prouvènço, particularimen d'aquèstis encountrado.

Sarian urous, Moussu, se nous fasias l'ounour de vous rendre à nosto cunvidacioun o tout aumens de manda vosto cunsentido à l'obro qu'an an entreprendre; e, dins aquelo espèro, vous semounde mi salut li mai courau.

Lou Vice-Sendi per lou despartamen dóu Var,

A. MICHEL,
Felibre-majorau, mestre en gai-sabé.

Adounc lou dès-e-set dóu mes passa, a uno ouro, d'après-miejour, e à l'endrech designa, si troubèroun acampas douge d'en pauc de pertout dóu despartamen dóu Var; nòu que poudien pas veni, avien manda sa cunsentido à l'obro entreinado.

Meste Miquèu, felibre majorau, qu'avié fa leis cunvidaciens, prengue plaço où burèu, coumo president; lou pu jouine deis membres acampas fougue lou secretari.

Accoumence, lou President, per bandi seis grammacis eis braveis messiès que l'escoutavoun, ni mai óublidé de remercia la Soucieta deis estudis scientificos de Draguignan, que nous prestavo tant voulountiè sa bello sallo per la reunien.

Pièi, M. Miquèu parle coumo eiço

MESSIÉS,

Avans de vous entreteni de la Causo per laqualo sian acampa permetès-me de vous esplica coume se fai que vòsti letro de counvidacioun soun stato escricho dins un dialeite qu'es pas lou vostre, e coume vai qu'un Vau-clusen vous a counvida per coustituï l'Escolo dóu Var. Veicit l'encauso de tout acò: sabès que li founciounari sian, tant vau dire, coume d'aucéu sus la branco. Vuei, nous endourmen dins uno encontrado, e, deman, en nous deveiant, reçaupen l'ordre de parti per uno autre. Es d'aquelo façoun que, i'aura d'acò sieis an per lou mes de jun, fuguèro manda dins voste despartamen coume Juge de pas à Faiènço. Aquit rescountrière la femo que m'ero destinado, e, desempiei, me regarde coume un di vòstre, senoun per la neissènço, dóu mens per lis afecioun dóu cor e lou liame de la famiho. Trouvarès dounc gaire estounant que, quand s'es agi de la nouminacioun di Vice-Sendi, la Mantenènço ague jita lis iue sus ieu per la representa dins lou despartamen dóu Var: d'un cousta, mi counfraire en felibridge couneissien ma devoucioun à la Causo, e, de l'autre, sabien proun que, sènsò renega moun dialeite d'ourigino, m'interessave au voste coume quaucun qu'es tengu de lou couneisse e de l'ama. Vaquit coume vai, Messiés, que vòsti letro de counvidacioun fuguèron signado per un felibre Vau-clusen; vaquit coume se fai que, vuei, ai l'ounour de vous adreissa la paraulo dins un dialeito qu'es pas lou vostre e que pamens, n'en siéu segur, coumprendrés senso peno.

Aro vous dirai perqué sian eicit. Sabès qu'es per coustituï l'Escolo felibenco dóu Var; mai me demandarès belèu ço qu'es uno escolo felibenco, e, tout d'abord, ço qu'es lou felibridge.

Lou felibridge es uno soucieta scientifico, artistico e literari establido, emé l'autourisacioun dóu gouvernamen, *per afreira e empura lis ome qu'emé sis obro sauvon la lengo di païs d'o, e li sabènt e lis artisto qu'estudion e travaion dins l'intérès au regard d'aqueüs encontrado.*

La toco principalo dóu felibridge es de reviéuda dins li pouplacioun dóu miejour l'amour de la terro nadalo, noun pas, cotime dous o tres barjaire an assaja de lou faire encreire, per restaura noun sai quanto mounarchio prouvençalo, per establi noun sai quanto republico dóu miejour, on un mot, per chapouta nostro patrio fran- ceso, d'un biais o de l'autre, mai, au contràri, per entreteni dins lou cor de chascun lou fio sacra dóu patrioutisme. Eiçò demando quàuqui mot d'esplicacioun: se i'a'no dóutrino funesto, mourtalo meme per lou patrioutisme es aquelo dóu cousmoupoulitisme.

De nos jours, dis un escrivan countempouran (J.-P. Pagès, de l'Ariège), l'amour de l'humanité est venu amortir et peut-être éteindre l'amour de la patrie. Un esprit cosmopolite portant en tous lieux une bienveillance, universellement égale trouve étroite et mesquine cette affection de la famille, de la commune et de la patrie.

Acò 's parla d'or, Messiés. L'ome que se dis l'ami de tout lou mounde es trop souvènt l'ami de degun, e tau, que fai semblant d'afeciouna de gènt demourant luen d'eu e que counèis ni d'Adam ni d'Evo, es ni mai ni mens qu'un egouisto voulènt se dispensa d'ama si parènt e si vesin. Fau doun coumbatre, aquelo dóutrino secaruso dóu cousmoupoulitisme, e, per acò faire, fau segre ardidamen la draio marcado per la naturo: L'ome déu ama, d'abord sa famiho e sa coumuno, piei soun despartamen e sa prouvinço, enfin sa nacioun. Plus tard, quouro li pople, mesclant sis idèjo e coundoufènt sis interès, auran escafa si counfigno, alor, dise pas noun, lou cousmoupoulitisme devendra poussible; mai per lou moumen sachen nous countenta d'estre patrioto, e sieguès assegura que, tant mai auren d'estaco per nosto prouvinço, tant mai auren d'amour per nosto nacioun.

En cercant a reviéuda l'amour de la terro nadalo, lou felibridge empuro doun lou patrioutisme; mai, per ajougue se toco, déu, avans tout, sauva la lengo dóu terraire. Adounc fau nous demanda tout d'abord se lou sauvamen de nosto lengo es causo poussible.

Certo, Messiés, quouro parlan de sauva la lengo di païs d'o, acò vau pas dire que sieguen en soucit per soun aveni. Vesen proun que l'usage dóu francés deven de mai en mai journadié, mai acò nous fai ni pòu ni peno, car sien assegura qu'en Prouvènço l'on desaprendra jamai lou prouvençau per ço qu'aquéu lengage es aproupria, miéus que tout autre, à nosto naturo, à nòsti besoun. Soulamen voulén que noste parla se mantengue pur, se conserve naturau, e que noun s'abastardigue au point de deveni quaque jargoun descouneissable, uno mescladisso informo de patoues e de francés. Vaquit ço qu'entendon li felibre quand parlon de sauva la lengo, o per miéus dire la pureta de la lengo, e poudén afourti que l'an déjà sauvalo, lis autour de tant d'obro requisto que nosti pou-pulacioun noun s'lasson de legi, desempiei lis inmourtau pouème de Mistral fin-qu'i galejado esperitalo de Cascavèu e de Barjomàu.

S'es poussible de sauva nosto lengo, aquèu sauvamen es-ti causo ben necessàri? Es toujour necessàri, Messiés, de pas leissa perdre un lengage que serve à mai de trento despartamen, valènt à dire à tout un pople; un lengage dins lou quau de generacioun noumbrouso an, desempiei de siècle e de siècle, trata

sis afaire, entretengu si relacioun, garda si tradicioun, recounta soun istòri, ploura si peno, canta si plesi, revasseja sis amour, caligna si pantai; un lengage que retrais per chascun lou rode ounte es nascu, que redis à soun auriho li refrin emé li quau lou bresseron, qu'es pertout e toujour coume l'eimage paradisen de la patrio proumierenco.

Mai cresès-ti que sieguen li soulet, nous-autre Prouvençau, que nous interèsse lou sauvamen de nosto lengo? Cresès-ti, per eisèmple, que l'istòri poulitico de la Franço n'ague ren à gagna à la couneissènço d'uno lengo dins laqualo soun escri tant de doucumen impourtant, li constitucioun de Catalougnou e de Prouvènço, li privilège di republico d'Arle, d'Avignoun e de Marsiho, e tant de diplome, e tant de cartabéu e tant d'ate de noutàri? L'istòri de la nacioun franceso noun sara vertadiero e coumplido que lou jour ounte chasco ciéuta, chasco bourgado, aguènt desembuia l'escagno de sis archivo municipalo, l'istòri de chasque despertamen, de chasco prouvinço poudra s'escriéure d'uno maniero assegurado. Alor, mai alor soulamen, poudra veni l'ome d'engenéo, lou nouvéu Tacite que, de tòutis aquélis istòri loucalo, fara valentamen giscla la grando e vertadiero istòri de la nacioun.

Lou sauvamen de nosto lengo n'es pas necessari soulamen au pount de visto de l'istòri, Messiés: l'es encaro dins lou propre intérès de la lengo franceso. Avès qu'à traire un cop d'ieu sus lou béu Diciounàri de Littré e sarés estouna de ie veire tant de mot francés qu'en drecho ligno vènon dóu prouvençau, subretout li mot qu'an rapport à la marino, à la pesco, à la cassio, au blasoun, i sabouniero, i salino, etc. De-mai, lou prouvençau pòu contribuï d'uno maniero poulderous à l'ensignamen dóu francés. Ai couneigu, dins moun jouine tèms, dous mèstre d'escolo de moun village, un que punissié lis escoulan quouro lis entendié parla prouvençau, un autre que, noun soulamen li leissavo libre de parla sa lengo naturalo, mai encaro se n'en servissié éu même, en cas de besoun, per ie douna d'esplicacioun, per ie faire d'ousservacioun, subretout per s'assegura que l'avien ben coumprès. E ben, Messiés, sabèstti ço qu'arribavo em'aquéli dous sisteme d'ensignamen? Quouro, à l'age de 12 à 13 an, lis enfant quitavon l'escolo, aquélli qu'avien estudia soutu lou premié mèstre sabien toubéjust escriéure e legi, mentre que lis autre couneissien de-founs l'ourtougràfi e tout ço que l'on ensigno dins uno escolo primàri. S'avien, lis un, prouficha di liçoun miéus que lis autre, faudrié pas creire que fuguèsson diferentamen favourisa dóu caire de la voulouna, de l'inteligènci, de la memòri; faudrié pas s'imagina que soun mèstre se capitèsse lou mai capable. Nàni, Messiés, la diferènci dins lou resultat venié d'uno causo tutto naturalo: Aquélli qu'avien lou mai prouficha èron aquélli qu'avien toujour e miéus coumprès lis esplicacioun que i'avien dounado, lis ousservacioun que i'avien fachò, perçò que l'estitutour avié sachu se servi de la lengo que lis escoulau couneissien déjà per i'apprendre aquelo qu'èro questioun de l'ensigna.

Lou vesès, Messiés, en sauvant la lengo di païs d'o lou felibrige fai uno obro utilo, patrioutico. Oh! mis ami, garden-lou dounc emé fe, mantenguen-lou emé devoucioun neste viei e bèu lengage de Prouvènço, tant varia dins si dialeite divers, tant uni dins si variacioun noumbrouso, e graven dins neste cor li paraulo dóu felibre:

*Lengo d'amour, se i'a d'arlèri
E de bastard, ah! per sant Cèri!
Auras dóu terradou li mascle à toun cousta;
E, tant que lou mistrau ferouge
Bramara dins li roco, - aurouge,
T'apararen à boulet rouge,
Car es tu la patrio e tu la liberta!*

MESSIÉS,

Quand la lengo es sauvado rèsto encaro uno causo à faire per reviéuda coume se dèu, l'amour de la terro nadalo: fau la faire couneisse, aquelo terro, dins si formo géoulougico, dins si prouducion naturalo, dins si païsage divèrs; fau, de mai e subretout, entreteni nòsti pouplacioun de soun passa, i'ensigna

si tradicioun, i'apprendre soun istòri. Escutas li paraulo qu'à-n-aquéu prepaus Mistral prounounciavo, lou 9 de setembre 1868, au banquet de Sant-Roumié, davans li felibre de Catalougnou e li delegat de la presso Parisenco: — *Voulen, disié, que noste pople, au-liogo* “ de groupi dins l'ignorènci de sa propre istòri, de sa grandour passado, de sa persounalita, aprengue, enfin si titre de noublessò, aprengue, que si paire se soun counsidera toujour “ coume uno raço, aprengue qu'an sachu, nòsti viei prouvençau, viéure sempre en ome libre, oe tousòt se defendre coume tau: à Marsiho, autre

tèms, contro la Roumo de Cesar; dins lis Aliscamp d'Arle, à la Gardo-Freinet, contro li Sarrasin; à Toulouso, à Béziés, à Béucaire, en Avignoun, contro li faus crousa de Simoun de Mount-fort; à Marsibo, à Frejus, à Touloun, e pertout, contro li lansquenet de l'emperaire Carlequint.

Vaquit perqué, Messiés, l'estatut felibren parlo d'afreira e d'empura, noun soulamen lis escrivan en lengo d'o, mai encaro li sabènt e lis artisto qu'estudion e travaion dins l'interès o au regard de nòstis encontrado. Es dis obro d'aquéli sabènt, d'aquélis artisto, es di prouducioun d'aquélis escrivan, prousatour o pouèto, que l'amour patriau desboundara per esmòurre li cor, per enaura lis amo. — *E, countuniavo Mistral dins soun discours de Sant-Roumié, quand chasco Prouvènço e chasco Catalouguo aura d'aquelo sorto recounquist soun óunour, veirés que nòsti viro redevendran ciéuta; e m'ounte noun i'a plus qu'uno pòusso prouvincialo, veirés naisse lis art, veirès creisse li letro, veirés grandi lis ome, veirés flouri uno nacioun.*

Aro anessias pas crèire, Messiés, que per èstre félibre siègue indispensable de proudure coume literatour, coume sabènt o coume artisto. A cousta d'aquélis ome d'elai i'a plaço per li patrioto de bono voulounta, e tout lou mounde pòu agué soun assèti à la taulado felibreno.

— *Anen! lis ome de bon, disié “ lou felibre Aubanel i jo flourau de Fourcauquié, venès emé naure! Es douna 'n tóuti d'ama sa maire, es douna'n tout prouvençau d'estre félibre! Aquéu que soun sang ie boui à la remembranço de noste passat clafi de malur e de glòri, aquéu que saup la vido de nòsti grands ome, aquéu que fernis davans l'obro dóu Puget, que plouro em'Arnaud Daniel, que tresano i bataio de Fourbin e de Sufrèn, aquéu que la flamo prouvençalo brulo e que l'amour naciounau devouris, aquéu - quau que fugue lou prouclame ben aut felibre, vertadieramen felibre! felibre sus la peiro o sus lou mabre, felibre sus la liro o sus l'arquet, felibre dins li foun sour de la sciènci o dins lou gouver di pople, felibre de tout biais! espandissènt dins lou desbord de soun amo, ie iue pivela de tòuti, la béuta, l'amour, la grandour de la nacioun!*

MESSIÉS,

Après de paraulo tant calourènto, demandarié pas mai que de vous leissa sus la bono bouco; fau pamens qu'apounde, encaro quàuqui mot. Vous ai moustra la toco dóu felibrige, es necit que vous fague, couneisse la formo de soun ourganisacioun:

Li felibre se partisson en tres tiero, aquelo di majourau, aquelo di manteneire, em'aquelo di sòci. Li felibre majourau, au noumbre de cinquanto, formon lou counsistòri, qu'es l'acadèmi de la lengo d'o; li felibre manteneire, que soun en noumbre ilimita, se religion entr'éli per lou biais de seicioun apelado mantenènço; quant i felibre sòci, es li courrespoundènt amistous à nosto Causo, ben qu'estrangié a nosto lengo.

Chasque grand diale mantenènço, qu'es presidado per un sendi. Aven per lou moumen quatre mantenènço: aquelo de Catalouguo, aquelo d'Aquitàni, aquelo de Lengadò, em'aquelo de Prouvènço. Li mantenènço s'escaraion en escolo, e l'escolo es l'acampado di felibre d'un meme rode. L'escolo es coustituïdo per decisioun de mantenènço, presso sus la demando de sèt felibre au-mens abitan lou meme centre. L'escolo a per sujet l'emulacioun, l'ensignamen dis un is autre, e la coulabouracioun à de travai comun.

Eisisto déjà, ren que dins la Mantenénço de Prouvenço, un bon noumbre d'escolo: lou despartamen di Bouco dóu Rose n'en a tres, aquelo di felibre de l'Ar, à-z-Ais; aquelo de l'Aubo provençalo, à Marsiho; aquelo de la Mar, dins la memo viro. Lou despartamen de Vau-cluso n'en a qu'uno, aquelo dóu Flourege, en Avignoun. La Droumo e li Bassis-Aup an chascun la siéuno, aquelo de Valènço em' aquelo de Fourcauquié.

Lou vesès, Messiés, voste despartamen em'aquéu dis Aup-maritime soun li soulet que noun agon per encaro ourganisa d'escolo felibreno. Voulès-ti que digon de vautre que caucas en foro de l'eiròu? Voulès-ti leissa creire que fognas la grando famiho prouvençalo? Nàni, parai? Es dounc l'ouro de se metre à l'obro, e l'avès ben coumprés quouro avès douna vosto cōsentido au prefa que venen d'entreprendre e que sian segur d'acaba se mantenès vosto bono ajudo. Alor, Messiés, l'amo de Peise tresanara dins sa demoro celestialo, e nautre, sis ami fidéu, nautre qu'auren coumpli lou darnié vot de sa vido terrestro, ie poudren dire emé fierta: L'escolo dou Var es fourmado!

Aquéu discours fougue, coumo de juste, forço applaudi, e lou principi de l'escolo felibreno dóu Var cōsentí à l'unanimita; mai, su l'óuservacien d'un de seis membres es esta ben coumpres, e en sa qualita de representan officiàu dóu Felibrige, M. Miquèu n'en a douna la garantido, que l'escolo dóu

Var avie subretout per devé de manteni lou dialeito que si parlo dins nostre despartamen, e que meme leis sous-dialeitos que pourrien si servi leis felibres serien toujours respectas.
Em'aqueleis reservos decideroun que tres membres noumas per la soucieta farien, au pu lèu, un proujet de réglamen. Si soun de suito mes au travai, an soumes lou proujet eis membres qu'avien entrepres l'obro premieirento, e lou veici tàu que cadun l'a approuva per servi de règlo de counduïto à l'escolo deis felibres dóu Var.

REGLAMEN DE L'ESCOLO DEIS FELIBRES DÓU VAR.

ART. 1^{er} - Lei gens dóu despartamen dóu Var, que li ten òu couar l'amour dóu terraïre, e de la lengo que leis a bressas, an decide de founda uno soucieta: li diran la Soucieta deis Felibres dóu Var.

ART. 2. - La Soucieta vòu estudia escrioure et manteni la lengo prouvençalo e principalamen lou dialeito dóu Var e seis sous-dialeitos.

ART. 3. - Se li charro pas poulitico, ni mai sus la religien la mouralo ou contro leis persounos.

ART. 4. - La Soucieta douno la man en touteis leis felibres dóu miejor; es dounc uno escolo dóu felibrige.

ART. 5. - Seis membres si partissoun en douis tières:

1° Leis Socis, que coumprenoun touteis lèis felibres majoràus vo manteneires qu'abitoun lou despartamen e que voualoun ben fa partido de la soucieta;

2° Leis Soucietaris: es leis membres que, sengo estre ni majoràus ni manteneires, voualoun pamen estudia vo manteni la lengo dóu Var, vo ben que s'interessoun à nostre despartamen e à soun istori.

ART. 6. - Leis soucietaris pagoun uno coutisacien de 5 francs per an. Leis félibles majoràus vo manteneires que pagoun dejà dès francs siègue entre leis mans dóu cancelier dóu felibrige, siègue acò dóu secretari de la mantenenco de Prouvenço, aqueleis pagoun ren.

ART. 7. - L'argen de la Soucieta serve d'abord per seis despensos ou resto es emplega selon la voulounta de la Soucieta.

ART. 8. - Lou burèu de la Soucieta rende comte touteis leis ans de l'argen deis coutisaciens.

ART. 9. - Lou conséu que gaubejo la Soucieta es coumpousa d'un presiden e d'un secretari. Touteis douz soun chòusis per la Soucieta en assernblado e noumas per tres ans, à la majorita des Membres presens.

ART. 10. - Lou presiden pòôu estre pres qu'entre leis felibres ma- jouràus vo manteneires de l'escolo dóu Var.

Lou secretari pòu estre un simple soucietari.

ART. 11. - Lou presiden presido leis reunions. - Si pòu pas l'i veni, es remplaça per lou pu viei deis felibres majoràus vo manteneires presens, vo se n'i a ges per lou pu viei deis soucietaris presens.

ART. 12. - La Soucieta si reunira à tout lou mens uno fes l'an, lou dernier dissato d'óutobre, à Draguignan, es alors que si noumoun, se va fòu, leis membres dóu burèu. - Si tàulejara. Leis autreis, jours de reunion soun designas per lou presiden.

LISTO

**deis Membres de l'Escolo deis Felibres dóu Var
LOU 17 DOU MES D'ABRIOU 1880
(JOUR DE SA FOUNDACIEN).**

MM. AUBENAS, proucurour generàu en retrèto, à Frejus.

BALP, dòutour medecin, à Draguignan.

CHAUVIER (Philippe), à Barjemoun.

COURDOUAN, dòutour medecin, à Lorgues.

DOZE, id. à Draguignan,

GARCIN, ancien emprimur, à Draguignan.

GUÉRIN, countroulur dóu timbre, à Draguignan.

JOURDAN, jugi de pas, à Frejus.

DE LACOUTURE, prouprietari, à Draguignan.

LATIL (Alphonse), emprimur, à Draguignan.

LATIL (Charles), id. à Draguignan.

LATIL (Victor), dòutour medecin, à Draguignan.

MARTIN, mestre d'escolo, à Vinoun.

MICHEL, jugi de pas, à Lorgues.

NICOLAS, proufessour au pichoun seminari, à Brignolo.

PANESCORSE, naturalisto, à Draguignan.

POULLE, jugi de pas, à Draguignan.

RICHIER (A.), receveur buralisto, à Ginacervis.

DE Roux, prouprietari, à Lorgues.

SENÈS (la Sinso), à Touloun.